

臺灣文獻史料叢刊——第九輯

臺灣私法人事編

(下冊)

臺灣大通書局印行

臺灣文獻史料叢刊

第九輯

臺灣私法人事編

(下冊)

臺灣大通書局印行

臺灣文獻叢刊第一一七種

臺灣私法^學人事編

第二節 變例之婚姻

第一款 招壻

第一 招壻字據

(一) 招壻合約字

百子千孫

同立招婚合約字人黃門羅氏，生下長女，名喚蘭娘，年庚十七歲，茲因長女未有匹配，是以嬌姪商議，欲將蘭娘招夫待老。托媒引就，配與趙安觀爲妻，當日憑中言定備出花紅佛銀貳大員正，卽日立招婚字兩相交收足訖，選擇吉日進贅完婚，永爲夫妻。自招以後，若生下長男，委係趙家之子，次男歸還黃家爲孫；倘若單生壹子，兩家各半均分，其餘男女不干黃家之事。後日再置有家伙物業，俱作貳房均分，其兩家原業與此無干。當憑中議定安夫妻務要撫養羅氏至百年歸壽；若安夫妻要娶出，備足聘金佛銀肆拾大員正，交付羅氏親收供膳，不得刁難。自招婚以後，夫妻偕老，子孫昌盛，琴瑟和鳴，麟趾呈祥。此係兩家甘願，各無反悔，恐口無憑，同立招婚合約字貳紙壹樣，各執壹

紙付執爲照。

卽日批明：同憑中親收過字內花紅佛銀二大員正足訖，炤。

再批明：議通若是合和同居者日後置有家伙物業，俱作三房均分，不得刁難，再炤。

再批明：羅氏有埔園壹段，於前年間有帶安觀佛銀五大員正，日後通若要執掌此業，將銀備足交還安觀清楚。其羅氏先夫香祀，通務要奉祀，須不得推諉，批照。

再批明：日後安若欺心浪蕩，不理家務，及琴瑟不調等情，務宜將招婚字取出交還羅氏，任從排解，安不得隱匿刁難，再照。

同治丁卯六年正月 日

代筆人 曾廣萍

在場見 趙傳

爲媒人 沈華

知見胞侄媽 主

在場胞侄桂 芳

同立招婚合約字人黃門羅氏

(二) 結親合約字

立結親合約字人臺南廳永寧里下灣裡莊第七百十二番戶蘇羽，於庚子年八月初六日

，托出媒人說合，與本莊陳添老之女成親，是以公同酌定至妻舅貳拾歲，若有伸物業，該作三份平分。倘或妻舅年幼，未及長成，羽就要搬出，甘願備聘禮龍銀陸拾大圓，送交添老夫婦養飼幼子；生作養贍之資，死作喪葬之費。此係二比甘願，各無反悔，口恐無憑，合立同定酌字壹紙，付執永遠存照。

光緒二十六年八月 日

陳添老

立定酌字人 蘇羽

爲媒人 林氏

(三) 招婿字

立招婿字人內埔莊劉思輝同姪劉阿進等，因有姪女乳名阿倂，年登二十三歲，今托媒人劉戊妹，招得李官生結爲夫婦，憑媒言定領得招媒身價金貳拾四元正。自招之後，要同姪阿進居處，俟進長成後，任從官生夫妻別處，不敢異言。至若日後生子，長子歸於李姓，次子歸還劉姓，以爲劉家後裔，其餘俱歸李姓。此係經媒人以及族戚等三面言定，兩無逼勒，惟願祖宗庇佑，螽斯振振，瓜瓞綿綿。此係二比甘願，恐口無憑，立招婿字一紙，付執爲據。

卽日實領到招婿字內身價金貳拾四圓正，立批。

光緒二十七年庚子歲十一月 日

說合媒人 劉戊妹

阿二

在場人 族 巨泉
戚 邱 木生

阿田

姊 夫 李阿雲

立招婿字人 劉思輝

代筆人 李登賢

(四) 招女婿字

立招女婿字人茄荖脚莊李即義，生有次女阿庚妹，招得半見莊楊阿棍爲女婿，當日憑媒三面言定，不拘年限招入，永在李家居住，後日生下兒子，係兩子分一子歸李家爲嗣；一子兩姓，以承楊、李兩家之祖脈。此係全依靠於女婿掌李家之門戶，二比甘願，日後不敢異言生端反悔，別有異心。惟冀自身而子，自子而孫，螽斯振振，瓜瓞綿綿，此正爲兩家之福也。恐口無憑，今欲有憑，立憑據字一紙，付執爲照。

光緒二十七年五月吉日

爲媒人 陳阿良

在場見人 楊玉山

岳父 李即義

女婿 楊阿棍

代筆人 曾登保

(五) 招贅婿字

立出招贅婿字人鳳山縣下淡水港東中里琉球嶼三板路莊陳贛人，因早年自幼養女，取名格涼，至今長成，尙未婚配，思之無奈，兩家同托中引就，與本莊許大丙入贅爲婿，限至八年完滿，願備出銀叁拾大圓與丙夫婦回家，以爲家費，不得阻擋刁難；若非期限完滿，丙願備花銀聘禮六拾大圓，聽他夫婦回家。二比甘願，各無反悔，口恐無憑，今欲有憑，合立贅婿字一紙，付執永遠存照。

光緒二十九年元月 日

爲中人 鄭文

立出招招贅婿字人 陳懋人

代書人 洪章

(六) 招孫贅字

立招孫婿字人頓物莊傅德興，率男炳生，生有一女，年登二十一歲，乳名阿妹，招

得本莊張阿寶爲孫壻，當日憑媒言定寶與妹結成偕老夫妻，自在傳家圖爲創業，聽岳父母命，限至五年爲滿，然後夫妻携手同歸，生育男女，次三子任從傳家選擇爲嗣，其餘皆爲張姓之子。惟願子孫濟濟，瓜瓞綿綿，是所厚望也。恐口無憑，立招孫壻字壹紙，付執爲據。

卽日批明：本日備明席銀六元正。

再批明：倘不遵書辭五年之數，要聘禮銀叁拾六元。

辛丑十二月三十日

說合媒人 張防智

在見人

吳阿玉

弟細春

立招孫壻字人

傅德興

代筆人叔

阿水

(七) 招贅壻字

立招贅壻字人頭崙莊張純德，因癸未年十月十七日生有次女，命名秀妹，年登貳拾歲，托得媒人邱捷郎嫂且姆，招美崙莊邱安連爲壻，結成夫婦。卽日奉來銀陸大元，言定生男育女，次三子分一子歸張姓爲嗣，其餘一子係承張、邱兩姓宗支。此係二比甘願

，兩無反悔，恐口無憑，立招贅婿字一紙，付執爲據。

又帶被帳一付、手環一隻，合再批照。

又批明：岳父年老，殯葬倘懷異心，不理喪事，願備出身價六八佛銀叁拾六圓立批

光緒二十八年十月十四日

說合媒人 邱捷郎嫂

在場見人 張學英

立招婿字人 張純德

代筆人 張俊興

(八) 招姪婿字

立出招姪婿字人履豐莊陳佑郎，因有姪女，乳名喜妹，年二十五歲，前時招得二崙莊宋壽興，不幸壽興早年身故，家中淡薄，難以養育，宋家又無可依賴，因托得本莊吳阿連之妻張氏爲媒，復招得頭崙莊謝水生之子阿眉，永遠爲妻，教訓成人。即日憑媒三面言定，備出招字光洋銀四大圓正。招入家中，勤家創業，料理陳、宋兩家廬墓。自招以後生有子，長歸於謝家，至二三子，不拘年紀，總以一子承陳、宋兩姓香煙，日後不爲反悔，螽斯振振，瓜瓞綿綿，是所厚望也。口恐無憑，立出招姪婿字兩紙，各執一紙

爲據。

即日實收過招字光洋銀四大圓正，再炤。

又批明，一年半載夫妻帶同，願備出身價銀叁拾六圓正，立批。

又批明：倘僅生一子，係歸於三姓爲嗣，立批。

光緒二十八年十一月

日

說合媒人

張

氏

在見人

秀二 添發 張連興
滿郎 連發 張順德
阿英 安古 宋成安
阿鳳

立出招姪婿字人

陳佑郎

代筆人

張添發

(九) 進贅字

立進贅字人西港堡後營莊蔡石信，今因無奈，托媒進贅蕭壠堡四甲莊陳大陣之長女名蓋，配合爲妻。若是後日內外人異言生端不明，自迫出去限至盡媒三次聽陣配合，別親不敢阻擋。後日移居別厝，欲定聘金叁百大圓足。二比甘願，各無反悔，口恐無憑，今欲有憑，合立進贅字壹紙，付執存照。

光緒三十年四月 日

爲媒人 蔡壹老
方姑娘

立進贅字人 蔡石信

代書人 汾陽德

(一〇) 招 字

立招字人大坵口堡土庫街第二百二十六番戶陳學觀，有親生一位女兒，名池娘，年登二十歲。學家中缺欠手足，夫妻相議，即托媒引就招與本家林查畝爲做女婿，合吉夫妻和好，一家團圓，頂接宗支，生子傳孫，世傳後代，不論兩姓，和氣同生協力，合作耕農，爲農始有兩全其美。此女兒是學同妻有親生兒，與別房親人等無干，亦無來歷不明爲碍；如有不明等情，是學自出首一力抵擋，不干賢壻查畝之事。此係二比甘願，各無反悔，口恐無憑，今欲有憑，立招字壹幅，付執爲照。

光緒二十八年八月 日

爲媒人 林炮娘

立招字人 陳學

代書人 林鍾業

(一一) 招贅奉養老媽字

立招贅奉養老媽字人布嶼保崙背莊李福鎮，同妻廖氏，有撫養李家之女爲兒，名喚額娘，年方十八歲。竊謂及笄屆期，當誦標梅之句；擇壻宜慎，必邀君子之逖。爰是憑媒說合，引就與本邑保田尾莊廖良環前來承招爲妻，當日同媒三面言定，時備出得佛銀捌大圓正，約爲酒席錦被羅帳之需，准他擇吉進壻。卽日立字合巹成親，結爲百年夫妻，共同一家，以耕農業，方成家室永爲好也。惟祈來日生有兒孫，不拘長次，定要一子還與廖家爲孫，傳孫耀祖，餘者乃是良環之後裔。言約進贅以來，要奉養老媽，異日百年送終，以盡孝敬之心，卽後日方有多寡喪資，同與福顏、良環二人均開。又言入贅以來，要與福鎮同居陸年耕作，或能永居同爨，方有再置家器物業俱各照子孫兄弟均分。此乃兩家甘願，各無反悔，人心有信，恐口無憑，特立招贅奉養老媽立嗣子壹幅，付爲永遠存照。

卽日同媒親收過佛銀捌大圓正完足，再照。

大歲丙申年菊月 日

代筆人 李義成

爲媒人 程金娘

妻 廖氏

立招贅奉養老媽字人 李福鎮

立贅出契約字人西螺堡成羔街廖正路社古莊廖士火。緣路養一孫女程好，以爲翁全女兒宗嗣，今已長成，憑媒引與火侄天紅爲妻，擇吉贅出，成其夫妻。同媒面約紅夫妻要祀翁家祖先，並全老奉事，及仙逝諸事，日後螽斯蟄蟄，富如石崇，誠兩家之福也。此係二比甘願，各無反悔，口恐無憑，持立贅出契約字貳幅一樣，各執一幅永遠爲炤。

光前裕後

光緒二十八年壬寅十二月

日

爲中人 鍾大中

立贅出契約字人

廖

正路
士火

代書人 廖德五

(一三) 進贅字

立進贅字人斗六保海峯崙莊林泉，行庚貳拾貳歲，生於光緒庚辰年三月十九日寅時建生，因長成未娶，托媒選擇於東和街徐門倪氏之長女留娘，生於光緒乙酉年六月二十一日卯時瑞生，行庚拾柒歲，情願進贅爲婿，恭奉子職，養岳母終身，及小姨留望娘長成婚配。泉後日生育，要將第貳胎男兒繼接徐家禋祀，其餘俱承林家宗支衍脈。伏祈進贅之後，家聲日振，子孫纏纏綿綿。此係二比甘願，各無反悔，口恐無憑，今欲有憑，

特立進贅字壹幅，付執爲炤。

再者：明約如小姨望東娘若日後長成招親之時，貳壻自當和合，共養岳母終身；若小姨娘生育，亦要將第貳男兒繼接徐家禋祀。但願托天庇佑，瓜瓞綿綿，富貴萬年，如二壻和好同居，合爨生家致富，家業自當二壻均分；倘後日不能和合，二壻各人奉養岳母，逐月輪流，不得爭長競短，致傷和氣。批明再炤。

龍飛歲次辛丑年光緒二十八年拾貳月 日

代筆人 賴素秋

爲媒人 高發

立進贅字人 林泉

(一四) 進贅字

立進贅字人斗六廳斗六堡西尾莊張粗皮，生有一女兒，名喚桂娘，養大成人，招夫結配合婚。外托媒引就與同廳西螺堡甘厝莊林琢爲壻配合，結作夫妻，招壻養老，同心耕農，見功家業多少以下，舅壻平分。三面言議，面限六年終；若是年限無滿，禮儀參拾元。立字二紙，各執一紙存炤。

光緒三十一年乙巳五月初二日

百年偕老 代書 林五都

二姓合婚 爲媒 朱泉

(一五) 招壻字

同立招壻字人斗六廳東和街番社莊二堡第九甲百四十五番戶李春順，只因有養一個女，名曰張玉葉娘，年紀十六歲，長生分配，同媒人相商，願配招壻對成親事，與西螺街陳榮元鴛鴦配合爲妻，同媒三人議定，春順無收聘禮，言明要帶養岳父李春順同居住，夫妻奉養百歲，年節二祭，春順先父公媽永遠拜敬。陳榮元有生貴子，次男言明歷傳岳父爲孫，百代香祠。元同媒言約有信，不敢異言，良時吉日，招壻請酒，喜結良緣，福祉綿綿，二比甘願，各無反悔，口恐無憑，今欲有憑，同合立招壻字二紙，各執壹紙存照。

光緒三十年十二月十五日

爲媒人 鄭寶娘

同立招壻字人 李春順

女壻 陳榮元

代筆人 莊克成

(一六) 招贅字

立招贅字人斗六堡斗六東和街楊來傳，有養女名喚居娘，今已長成，年方十七歲，

來傳夫妻相商，欲將此女托媒向與湖山養莊蕭仲官說合佳期，招集爲壻，與爲天長地久，管家立業，與侄孫楊德盛概對半均分，不在限年，其日後定不能和合久住，欲要夫妻弄出，同媒議要討第二胎男傳與楊家爲後；如若備聘禮四拾大元，係乃古今流傳所有；或有孫，卽無聘禮，此無二理。此係岳壻二比兩悅，各無反悔，口恐無憑，今欲有憑，立招贅字二幅，各執壹幅存炤。

光緒三十年六月 日

爲媒

劉雪
潘水都

張分

立招贅字人岳父

張來傳

代書人

曾木

(一七) 主婚招字

立主婚招字人斗六廳番水社劉門廖氏，有養女名謹娘，年登十九歲，今因英媒說合，喜於落口厝莊許清心爲妻，時卽同媒言約，要奉侍岳母養食到百年之後。清心自身當子孫日後永祀家神，不使劉氏香烟有失；日後清心若要回爲本處，妻子自當隨去。此是二比甘願，各無反悔，口恐無憑，今欲有憑，立招字壹紙，永遠爲炤。